

永樂大典

卷二萬二千五百

七十七

永樂大典卷之二萬二千五百七十七

九編

集 大方等大集經十一

海慧菩薩品第五之四。爾時海慧菩薩白佛言世尊。菩薩摩訶薩。若有具足如是等見。發何等願。佛言善男子。如是之人。如本發願。菩薩摩訶薩。若心在定。若不在定。為眾生故。如本發願。善男子。譬如人有甘蔗稻田。具滿一頃。其地平正。欲溉灌時。開其水口。縱之令去。更不施工。自然周遍。善男子。菩薩摩訶薩亦復如是。若在定中。繫心思惟。若不在定。不思惟時。為眾生故。如本發願。所作善根。悉皆願與眾生共之。共已。迴向無上佛法。菩薩心淨。戒忍定慧。亦復清淨。觀於佛法。及諸眾生。平等無二。雖有是願。初無有心。是故菩薩。雖復無心。於諸眾生。而誓願力。未嘗不及。所有善根。悉與共之。共已。迴向無上菩提。善男子。如安禪樹有人所伐。根既斷已。隨所而倒。善男子。菩薩摩訶薩亦復如是。修習三昧。常向菩提。假使有人。唱言是樹。莫斫。處墮。是樹猶故。隨所處倒。菩薩摩訶薩亦復如是。所修善法。欲令不向無上菩提。則無是處。何以故。法性爾故。菩薩摩訶薩。所修善法。唯為

永樂大典卷二萬二千五百七十七

不斷三寶體性。為淨佛土。為莊嚴身。三十二相。八十種好。為莊嚴口。說法之時。眾生樂聞。為莊嚴心。觀諸眾生。平等無二。為得佛法。諸佛三昧。菩薩雖不貪如是法。而能自然得如是法。何以故。誓願力故。善男子。譬如陶師。泥在輪時。不得物名。既成器已。名隨物立。菩薩善法。亦復如是。未發願時。則不能得波羅密名。是故菩薩。一切善法。要當發願。善男子。譬如金師。金未成器。亦不得名。及其成已。得瓔珞名。菩薩善法。亦復如是。未發願時。則不能得波羅密名。善男子。譬如比丘。欲入滅定。先立誓願。我今入定。若徒推鳴。乃當起出。而是定中。無提推音。以願力故。鳴提推時。則使出定。善男子。菩薩摩訶薩亦復如是。憐愍眾生。作如是願。諸未度者。我當度之。諸未脫者。我當脫之。修菩提時。入深三昧。以大悲力故。念諸眾生。不證聲聞辟支佛乘。是故菩薩。雖復修習三十七品。而不得果。善男子。菩薩所行不可思議。雖入深定。亦不證得沙門道果。善男子。譬如二人。欲過猛火。其一人者。著金剛鎧。即能過之。其一人者。身被乾草。為火所焚。何以故。草則易燒。金則堅故。菩薩摩訶薩亦復如是。憐愍眾生。專念菩提。莊嚴甚深無量三昧。以三昧力。能過聲聞緣覺正位。不取果證。從定起已。得正覺道。如未三昧。被乾草者。喻於聲聞。聲聞之人。欲悔生死。於諸眾生。無慈悲心。是故不

能過於聲聞緣覺正位。何以故。二乘之人。於福德中生知足想。菩薩之人。於福德中心無厭足。金剛經喻空無相願。大猛大者。喻諸行法。菩薩摩訶薩。觀一切法空無相願。而能不證沙門道果。世尊。菩薩摩訶薩。其足是事。不可思議。修是三昧而不取證。行生死火。不為所燒。菩薩摩訶薩。成就方便。入一切定。亦不為定之所誑惑。其方便故。雖行諸行。心無染著。雖為邪見。說沙門果。亦自不證沙門道果。佛言。善哉。善哉。實如汝說。善男子。如三染汁。盛以一器。所謂羅。若鬱金。青。紫。染三種物。所謂在氈。及綺。奢耶衣。是以染洗。則成青色。氈淨洗故。成於黃色。綺奢耶衣。先以灰洗。則成赤色。如是三物。雖同一器。受色各異。善男子。三乘之人。亦復如是。器者。喻於空無相願。三種色者。喻於聲聞緣覺菩薩。隨衣受色。喻三種菩提。空無相願。亦不生念。與如是果。不與是果。善男子。毘喻聲聞。觀喻緣覺。綺奢耶衣。喻菩薩。善摩訶薩。見一切法。如聲如育。無有眾生。如是見時。心無染著。無有悔退。是時心中。其實了知。我於眾生。非有利益。非無利益。亦為眾生。修習大悲。善男子。譬如微妙淨琉璃寶。雖復在泥。經歷百年。其性常淨。出已。如本善。薩摩訶薩。亦復如是。了知心相。本性清淨。客塵煩惱之所障。汙。而客煩惱。實不能汙清淨之心。猶珠在泥。不為泥汙。菩薩摩訶薩。作如是念。

若我心性。煩惱汙者。我當云何能化眾生。是故菩薩。常樂修習福德莊嚴。樂在諸有。供養三寶。樂為眾生。趨走供使。於生舍處。不起貪心。護持正法。樂行惠施。具足淨戒。莊嚴忍辱。勤行精進。莊嚴禪寂。修習智慧。多聞無厭。清淨梵行。修大神通。三十七品。善男子。菩薩摩訶薩。行如是法。不為煩惱之所染汙。不著三界。菩薩摩訶薩。行善方便。功德力故。雖行三界。身心不汙。善男子。譬如長者。唯有一子。心甚愛念。其子游戲。誤墜圓廁。時母見已。輒惡不淨。父復見之。呵責其母。即便入廁。牽之令出。出已淨洗。愛因緣故。忘其臭穢。善男子。長者父母。喻於聲聞緣覺菩薩。廁喻三界。子喻眾生。母不能拔。喻聲聞緣覺。父能拔濟。喻諸菩薩。愛因緣者。喻於大悲。菩薩摩訶薩。具善方便。入於三界。不為三界之所染汙。是故道有二種。一者聲聞。二者菩薩。聲聞道者。耽於三界。菩薩道者。不耽三界。善男子。菩薩修習空無相願。雖行諸有。不墮於有。既不墮有。復不取證。行三界者。是名方便。不取證者。是名智慧。善男子。菩薩摩訶薩。觀一切法。無有二相。若觀法等。眾生亦等。如是等者。涅槃亦等。是名智慧。若能如是等觀眾生。不證涅槃。是名方便。清淨惠施。是名為慧。發願迴向。是名方便。世尊。云何觀。名為清淨智慧。清淨方便。善男子。菩薩若見無我。眾生壽命士夫。是名為慧。若修習空

無相無願。以諸善根。願及眾生。迴向菩提。是名方便。復次善男子。知諸眾生。下中上根。是名為慧。知已隨意而為說法。是名方便。淨智慧故。雖行諸有。心無染著。淨方便故。雖修二乘。不證其果。善男子。若能不為一切煩惱之所染汙。是名為慧。能調眾生。悉令趣向阿耨多羅三藐三菩提。是名方便。善薩發願。悉令眾生。得無盡財。無盡福德。增長善根。諸學無學。聲聞緣覺。一切菩薩。隨意得法。名淨方便。若能受持一切佛法。廣分別說。無窮盡說。無障礙說。不空而說。隨樂而說。是名淨慧。菩薩摩訶薩。生生之處。不失無上菩提之心。是名淨慧。生生之處。所作善法。願及眾生。名淨方便。淨慧因緣。知菩提心。無住無根。淨方便故。化諸眾生。趣於菩提。世尊。菩薩摩訶薩。若具如是二淨。所作諸業。無非菩提。何以故。一切法中。悉有闍障。壞障障故。即是菩提。是故菩薩。常不遠離於菩提也。菩薩若作如是念言。我解菩提。當知是人。不得菩提。若念我今有菩提者。是人菩提。有淨不淨。若能如是觀諸法者。即得菩提。即是淨智方便也。善男子。過去無量阿僧祇劫。有佛出世。號無邊光如來。應正遍知。明行足。善逝。世間解。無上士。調御丈夫。天人師。佛世尊。土名不眴。劫名光味。爾時世尊。初坐道場。菩提樹下。未成佛時。十方世界。一生補處。不退菩薩。悉共覩見。來至其所以種種華而

供養之。華處空中。高七多羅樹。成佛道已。放大光明。遍照十方十方世界。多有諸天。見佛光已。各作是言。無邊光佛。真實出世。彼佛世界。莊嚴嚴飾。如彼他化自在天宮。彼劫初時。過十千年。有佛出世。號曰光味。是故此劫。名曰光味。善男子。光味劫中。有十四億諸佛如來。出現於世。其佛世界。有九萬六千小國。一一國土。縱廣八萬四千由旬。一一國。有八萬四千城。其城。縱廣滿一由旬。一一城中。居住人民。八萬四千。彼土具足如是等事。其土。純以四寶校飾。所謂金銀琉璃瓔珞。多饒飲食。無所乏少。其土人民。無我我所。猶如北方鬱單越土。其佛壽命。滿十中劫。聲聞大眾。九萬六千億。菩薩大眾。萬二千億。土有二城。一名樂。二名淨。其佛世尊。生於淨城。位於樂城。其土有王。名曰淨聲。七寶具足。統領三千大千世界。後宮嫗女。三萬六千。姿顏端嚴。如天無別。有十萬子。雄猛勇健。悉皆具羊那羅延力。各各成就二十八相。一切皆發阿耨多羅三藐三菩提心。有八萬女。清淨無雜。形容瑣異。如天無差。一切亦發阿耨多羅三藐三菩提心。其王爾時。經二劫中。供養如來。及聲聞菩薩大眾。為如來故。造作寶坊。滿五由旬。是寶坊中。復有寶樓。其數十萬。為供養僧。爾時聖王。與其眷屬。一切皆修清淨梵行。時佛教化無量眾生。於大乘法。復化無數。於聲聞乘。爾時其王。供養佛

永樂大典

卷三二五七七

已與諸眷屬俱至佛所。頭面禮足。右邊恭敬。長跪合掌。白佛言。世尊。云何菩薩。修行大乘。不隨他語。云何菩薩。生得畢竟。云何菩薩。得無所住。云何菩薩。得無動慧。云何菩薩。得清淨慧。云何菩薩。力能遠見。云何菩薩。諸根猛利。云何菩薩。具足佛土。云何菩薩。行不放逸。云何菩薩。聞甚深法。心不怖畏。云何菩薩。得名菩薩。佛言。大王。有四事法。修行大乘。不隨他語。何等為四。一者具足。聖信。出於世界。二者具足智慧。觀諸法性。三者具諸神通。四者修淨精進。為化眾生。大王。菩薩具足如是。四法。修行大乘。不隨他語。復有四法。生得畢竟。何等為四。一者知於善法。為調伏心。二者不貪已樂。三者為諸眾生。修習慈悲。四者常樂大乘。是名為四。大王。復有四法。得無所住。何等為四。一淨於心。二淨莊嚴。三離虛誕。四修堅慧。為具福德。足名四法。大王。復有四法。得淨智慧。何等為四。一者淨眼。二者以四攝法。攝取眾生。三者淨身。三十二相。八十種好。四淨佛土。觀淨法界。是名為四。大王。復有四法。能得遠見。諸根猛利。何等為四。一者念菩提樹下。不捨菩提心。二者念佛智慧。亦不著智。三念法身。修習於空。無相。無願。四者念佛涅槃。於生死中心無厭悔。是名為四。大王。復有四法。具足佛土。行不放逸。何等為四。一者受帝釋身。為化諸天。命不放逸。二者受梵天身。為化諸梵。命不放逸。三者受轉輪王身。為化眾生。命不放逸。四者受於大臣長者之身。具足珍寶。為化眾生。命不放逸。是名為四。大王。復有四法。聞甚深法。心不怖畏。何等為四。一者親近善友。二者善友。為說甚深佛法。三者善能思惟。四者如法而住。是名為四。大王。復有四法。得菩薩名。何等為四。一者求波羅蜜。二者為諸眾生。修習悲心。三者樂求佛法。四者化眾生時。心不厭悔。是名為四。善男子。時淨摩王。從彼如來。問是法已。及諸眷屬。一切皆得無生法忍。捨其國土。於佛法中。出家修道。爾時世尊。告彼王言。大王。汝今出家。即是報佛。若能如是。生信捨離。是名大報。是大功德。多所利益。大王。菩薩出家。有二十四利益之事。何等為二十四。一者捨於世事。得大自在。二者捨於煩惱。獲得解脫。三者身服榮祿。得無染道。四者具足四事。得四聖體。五者樂於頭陀。遠離一切大欲惡欲。六者不捨戒聚。受人天樂。七者不捨菩提。獲得佛法。八者常樂寂靜。離世談語。九者不著法故。得大淨心。十者具足禪技。得禪定故。十一者求於多聞。得智慧故。十二者破壞憍慢。得智慧故。十三者破除邪見。得正見故。十四者不生覺觀。為真實知諸法界故。十五者等觀眾生。得大慈故。十六者化諸眾生。心無疲倦。得大慈故。十七者不惜身命。為護法故。十八者寂靜其心。為得神通故。十九者念於如來。

為見佛故。二十者修善思惟。為得十二緣。深智慧故。二十一者得於頓息。二十二者得無生忍。二十三者信一切功德。二十四者得佛智慧。是名二十四。善男子。爾時聖王。問是法已。轉以教化一切男女。眷屬臣民。時彼國中。有九萬九千億眾生。悉共出家。善男子。淨聲比丘既出家已。復白佛言。世尊。我今云何得名出家。佛言比丘。汝名淨聲。當淨自界。自界既淨。則名比丘。則名出家。爾時比丘。聞佛說已。心樂寂靜。作是思惟。界者即眼。眼界空者。即是淨界。或淨界者。即是佛土。耳鼻舌身。亦復如是。意者即界。若觀意界。即無願界。即無作界。即無為界。善男子。淨聲比丘。如是觀已。即時獲得身輕心輕。身心輕已。得無量神通。得神通已。得樂說無礙陀羅尼門。善男子。汝知爾時。淨聲比丘。豈異人乎。即汝身是。男女眷屬。即汝所將。未善薩聽法眾是。說是伊帝目多如時。萬八千人。發阿耨多羅三藐三菩提心。八千眾生。得無生忍。善男子。若有欲得阿耨多羅三藐三菩提者。當如法說。如說而住。云何名如法而說。如說而住。善男子。若有人言。我當作佛。請諸眾生。許以法味。請已不能受持。讀誦。分別解說。微妙經典。不能護持。清淨禁戒。勤修精進。不修知足。於善法中。少得知足。是名欺誑。不如法說。不

如說住。若有人言。我當作佛。請諸眾生。許以法味。請已受持。請誦演說。護持禁戒。勤修精進。少欲知足。多得善法。不生足想。是名不誑。如法而說。如說而住。善男子。譬如國王。多請賓客。請已不設供賓之具。賓客既至。方云未辨。於是賓客。各作是言。昨受王請。家不設食。今赴王信。復無所得。呵責怒恚。悉歎啼泣。善男子。菩薩摩訶薩。請諸眾生。許以法食。不求多聞。持戒精進。不修三十七助道法。眾聖呵責。人天涕泣。善男子。菩薩摩訶薩。若能如作。應如作說。不應欺誑一切眾生。復次善男子。復有眾生。請求菩薩。為我說法。菩薩許言。當為汝說。許已放逸。眾生既見菩薩放逸。即便勸喻。既勸喻已。方為說法。說時或問甚深之義。以放逸故。而不能答。不能答故。心生慚愧。護於身心。誑於眾生。而使捨離。善男子。菩薩若欲如說而住。無惜身心。以護眾生。善男子。過去世有一師子王。住深山洞。常作是念。我是一切獸中之王。力能視護一切諸獸。時彼山中。有二獼猴。共生二子。時二獼猴。向師子王。作如是言。王若能護一切獸者。我今二子。以相委付。我欲餘行。求覓飲食。時師子王。即便許可。時彼獼猴。留其二子。付彼獸王。即捨而行。是時山中。有一鷲王。名利見。師子王眠。即便搏取獼猴二子。處喻而住。時王寤已。即向鷲王。而說偈言。我今欲請大鷲王。唯願至心。受我語。幸見

為故故捨之。莫令失信生慚耻。鷲王說偈。報師于王。我能飛行遊虛空。已過汝界心無畏。若必護是二子者。為我故應捨是身。師于王言。我今為護是二子。捨身不惜如枯草。若我護身而長說。云何得稱如說行。說是偈已。即至高處。欲捨其身。爾時鷲王復說偈言。若為他故捨身命。是人即受無上樂。我今放汝。獼猴于願大法。王莫自害。善男子。時師于王。即我身是。唯獼猴者。即迦葉是。唯獼猴者。善護比丘。尼是二獼猴子。即今阿羅羅。羅睺羅是。時鷲王者。即舍利弗是。善男子。菩薩為護是依止者。不惜身命。善男子。云何名為如說而住。菩薩若言。我當惠施。即使大施。是名菩薩。如說而住。菩薩若言。我能持戒。即化一切同。已護戒。是名菩薩。如說而住。菩薩若言。我修忍辱。即化眾生同修忍辱。是名菩薩。如說而住。菩薩若言。我勤精進。為於佛法。即化眾生同修精進。為於佛法。是名菩薩。如說而住。菩薩若言。我修禪定。即化眾生。除去亂心。修習禪定。是名菩薩。如說而住。菩薩若言。我修智慧。如法分別。是名菩薩。如說而住。善男子。菩薩若言。我當壞破一切惡法。即使修習一切善法。是名菩薩。如說而住。善男子。能莊嚴者。名為如說。能畢竟者。名為如住。能發心者。名為如說。得果證者。名為如住。能淨心者。名為如說。能至心者。名為如住。能發心者。名為如說。不退心者。名為如住。至心聽法。名為如說。聞已。如住名為如住。能淨口者。名為如說。能淨身者。名為如住。初受戒者。名為如說。至心護持。名為如住。發菩提心。名為如說。行菩薩道。是名如住。得位思施。名為如說。住不退地。名為如住。得一生身。名為如說。得復遺身。名為如住。趣菩提樹。名為如說。得菩提果。名為如住。善男子。是名菩薩。如法而說。如說而住。說是法時。五百菩薩。住無生忍地。爾時會中。有一菩薩。名曰蓮華。白佛言。世尊。如佛所說。如說如住。不可思議。如佛所住。即是如說。即是如住。善男子。汝於是事。能了知不。已知世尊。若知正法。是真實者。名為如法。住山王菩薩言。世尊。無所住法。名為如法。住。何以故。見一切法。無有覺故。以無覺故。不見一法。名之為覺。若無一法。云何有住。若如是見。名為如法。住。福德王菩薩言。世尊。若隨心者。非如法。住。若有菩薩。觀意如幻。名為無住。若無住者。名為法。住。燃燈菩薩言。世尊。無有貪心。名為如法。住。云何貪心。謂於法中。有損有益。若無貪心。名為如法。住。于菩薩言。世尊。若有菩薩。有所著者。是名為動。若於法中。心無所著。是名為無動。若無有動。名為如法。住。勇健菩薩言。世尊。一切世間。皆隨心行。若知心行。名為如法。住。樂見菩薩言。世尊。如佛所說。因受受苦。若能不受。諸受則斷。若能不取。諸取則斷。雖不受受。不捨眾生。名為如法。住。香象王善

永樂大典

卷三二五七七

薩言世尊一切眾生悉有重擔所謂五陰若有雜知五陰真實為壞陰見
棄捐重擔而於諸法亦無擔想名如法住持世吾薩言世尊若行世間非
如法住若正莊嚴名如法住正莊嚴者見一切法等如虛空堅意菩薩言
世尊若有菩薩不生於生不滅於滅亦復不見生滅之性名如法住光明
遍照高貴德王菩薩言若能知見真實涅槃見法是滅及無生滅一切眾
生悉有佛性為趣菩提而修莊嚴名如法住光無礙菩薩言世尊若有行
處即是魔業非如法住若無行處則壞魔業若壞魔業名如法住淨進善
薩言世尊若作念言我當得法為是淨法勤行精進如是精進是空精進
若能觀察諸法不定以是不定勤修精進名如法住過三惡道菩薩言世
尊一切諸法無作無變無覺無觀無覺觀者名為心性若見眾生心性本
淨名如法住不可思惟菩薩言世尊知諸眾生一切心性不作心想若不
可思惟而思惟也若能於是不思惟中而思惟者名如法住樂寂靜菩薩
言世尊若有菩薩淨諸心界是則能離一切諸漏若能遠離一切漏者是
名正行若正行者名如法住商主菩薩言世尊菩薩若有清淨善法福德
莊嚴智慧莊嚴觀二莊嚴平等無二以功德等觀智慧等以智慧等觀功
德等無差別者名如法住維摩詰菩薩言世尊不觀於二名如法住若於

法界不壞不別名如法住依義菩薩言世尊若有菩薩依於正義不依於
字為正義故受持請誦廣說八萬四千法聚無失無動名如法住淨意菩
薩言世尊若有菩薩發菩提心至心擁護是菩提心修菩提時知諸法性
大法性者非處非非處名如法住畢竟淨意菩薩言世尊若有菩薩遠離
垢穢如泥去垢能令煩惱不汙其心名畢竟淨其心淨已隨菩提行名如
法住海慧菩薩言世尊若有親近惡知識者非如法住不修聖法非如法
住若近惡友則行魔業墮於魔處世尊若有欲離一切魔業諸魔行處諸
惡法者當近善友佛言善男子汝今真知魔業行不已知世尊善男子汝
今當為無量菩薩大眾而說世尊夫魔業者即是眼色若人見色生貪著
心即是魔業乃至意法亦復如是復次世尊菩薩修行禮波羅密時不愛
之物持用惠施所受財貨貪捨不捨愛者則施惠者不與分別受者及以
財物若有分別如是二者是名魔業復次世尊菩薩修行尸波羅密時覆
持禁戒近持戒者讚嘆已身毀皆破戒是名魔業復次世尊菩薩修行忍
波羅密時於大力者能生忍辱於少力者不能生忍見大力者鞭語誅下
見少力者嚴語輕慢是名魔業復次世尊菩薩修行精進波羅密時說聲
聞來說緣覺乘說菩薩乘修菩提時輕慢聲聞辟支佛乘口不宜說樂於

永樂大典

卷二二五七七

世行。不樂供養恭敬三寶。所謂華香。福蓋。妓樂。尊重讚歎。不求多聞。見多聞者不能親近。是名魔業。復次世尊。菩薩修行禪波羅密時。獲得禪定。不能調伏一切衆生。心生悔厭。貪著禪樂。呵說法者。不樂講論。讚歎寂靜。貪著禪味。呵毀二界。愛無色身。壽命極長。不見諸佛。不聞正法。遠離善友。不知方便。受捨修捨。是名魔業。復次世尊。菩薩修行般若波羅密時。如於因果。不以四攝。攝取衆生。而調伏之。不知衆生上中下根。是名魔業。復次世尊。菩薩若樂空閑寂靜。樂寂靜已。受寂靜樂。不樂聽法。說法問疑。以寂靜故。煩惱不起。以不起故。不知知想。不離禪想。不證證想。不修修想。不得實義。是名魔業。復次世尊。菩薩若有修習多聞。好語樂語微妙之語。軟語喜語。若為衣食。則具利養。而演說法。若有信解。能至心聽。而不為說。若有放逸。致供養者。便為說之。可為說者。而不為說。不可說者。反為說之。是名魔業。復次世尊。若有菩薩說法之時。秘藏深義。有諸天人。得他心智。知已不悅。即作是念。我為如來真正法者。不為世間淺近語者。是人欲毀如來正法。不能增長。若人有毀佛正法者。我不樂見。聞其所說。即便捨去。是名魔業。復次世尊。若有菩薩。於惡知識。作善友想。惡知識者。不以四攝攝取衆生。不修多聞。不化衆生。不說出法。樂說世語。不知法。不知時。不知義。是名

魔業。復次世尊。惡知識者。不能開示。分別解說。聲聞緣覺菩薩佛法。不化衆生。令修慈悲。遠離八難。修行戒戒。柔軟語言。親近平等。教惡。無力託言。佛道甚為難得。無量世中。勤苦乃獲。是名惡友。名為魔業。復次世尊。菩薩若有憍慢之心。以憍慢故。不能供養佛法衆僧。師長和上。父母長宿。同學同師。若見勝已。不能親近。聽法問疑。是故離間。聞已便失。見已下者。親近愛念。是故惡法。漸漸增長。惡法增故。遠離善法。世尊。譬如大海。漸漸深故。一切諸流。悉共歸之。菩薩憍慢。亦復如是。漸漸增長。一切善法。菩薩若不壞憍慢者。是名魔業。世尊。譬如有人。高原陸地。種樹波樹。水常行處。復作堤塘。地既高燥。又不得水。漸漸枯黃。不能增長。世尊。菩薩摩訶薩。亦復如是。憍慢增故。不親善友。不聞正法。雖聞復失。復次世尊。菩薩摩訶薩。身色具足。端正自在。多有眷屬。福德莊嚴。未能具足。智慧莊嚴。以是因緣。生於憍慢。以憍慢故。若有菩薩。具智莊嚴。思惟正法。身體羸瘠。見已輕慢。不能供養。以是因緣。復增憍慢。無明放逸。不調魔業。如是菩薩。為色生慢。是名魔業。爾時世尊。告海慧菩薩言。善哉善哉。善男子。善能分別宣說魔業。善男子。至心諦聽。吾今當說。壞魔業道。善男子。一切諸法。其性空寂。若知諸法。其性空已。亦知一切衆生皆空。既知空已。而修慈心。調伏自身。是名

菩薩破壞魔業。若觀諸法。性は無相。而為眾生修習慈心。是名菩薩破壞魔業。若觀諸法。性は無願。為諸眾生至心求有。既求有已。隨而調伏。是名菩薩能壞魔業。觀一切法。性は無貪。眾生之性。亦復無貪。為調伏貪。而攝取之。是名菩薩能壞魔業。若觀諸法。性は無恚。眾生之性。亦復無恚。為調伏恚。而攝取之。是名菩薩能壞魔業。若觀諸法。性は無癡。眾生之性。亦復無癡。為調伏癡。而攝取之。是名菩薩能壞魔業。觀諸法性。無生無滅。壞生滅故。宣說正法。是名菩薩能壞魔業。觀一切法。性是平等。雖說三乘。不捨大乘。是名菩薩能壞魔業。若不貪著心意識等。亦能遠離一切因緣。為諸眾生得解脫故。修治莊嚴。雖通諸行。終不捨離。菩薩所行。是名菩薩能壞魔業。說是法時。天魔波旬。莊嚴四兵。未趣寶坊。如先趣向菩提樹時。如來見已。告海慧言。汝說魔業。我說壞魔。以是因緣。魔王波旬。莊嚴四兵。而求至此。欲設何計。以當衛之。海慧菩薩言。世尊。我今欲持魔王波旬。及其眷屬。置莊嚴園。我身當住魔所住處。爾時舍利弗言。善男子。莊嚴世界。去此遠近。佛號何等。舍利弗。在此東方。過於十二恒河沙等世界。其土有佛。號破疑淨光。今現在世。為諸菩薩。說淨菩薩行。彼國三千大千世界。有一億魔。一一魔王。有十千億人。兵眷屬。其佛初坐菩提樹時。如是諸魔。悉共莊

水樂大典卷三萬二千五百七

九

嚴。至菩薩所。爾時菩薩。先為諸魔講宣正典。令其得住不退轉地。然後乃成阿耨多羅三藐三菩提。轉正法輪。彼佛世尊。其大弟子。及侍使者。亦悉是魔。如是等魔。悉能教化。調伏眾生。是故我今。取魔王波旬。安置彼土。為欲壞其所行魔業。莊嚴如來無上正法。時魔王波旬。聞是語已。心生恐怖。四望顧視。欲求逃處。四方障礙。不得從意。復欲滅身。亦不能得。方計不立。倍復生嗔。白佛言。世尊。唯願大慈。少見救護。佛言。波旬。我於此事。不得自在。汝當歸向海慧菩薩。求哀懺悔。時魔王波旬。即向海慧。合掌而言。善男子。我從今日。不敢復作如是魔業。唯願仁者。聽我懺悔。海慧菩薩言。我於汝所。都無瞋心。菩薩之法。常應忍辱。一切眾生。波旬。汝可往彼。禮觀彼佛。汝身當得無量利益。爾時菩薩。即以右手摩其頂上。作如是言。若諸菩薩。於諸法中。無貪嗔者。以我神通。令汝必至彼佛世界。言已。波旬。即往彼土。既至彼土。見佛敬禮。却住一面。彼諸菩薩。白佛言。世尊。何等國土。有如是等不淨之人。而來至此。佛言。善男子。西方過十二恒河沙等。諸佛世界。彼有世界。名曰娑婆。佛號釋迦牟尼。為過數量諸菩薩等。說大集經。彼有菩薩。名曰海慧。說魔業時。是魔莊嚴四種兵眾。來至會所。海慧菩薩。以神通力。移來至此。彼世界中。諸菩薩等。語波旬言。善男子。汝今宜發阿耨多羅三藐三

善提心。遠離魔業。我當與汝共為同學。時魔波旬。問是語已。即發阿耨多羅三藐三菩提心。時諸菩薩。即請波旬。昇師子座。問波旬言。承彼如來。為諸大衆。說大菩提。斯有何事。唯仁說之。時魔波旬。以海慧菩薩神通力故。宣說所聞。乃至不失一句一字。彼諸菩薩。即白佛言。我等願樂欲見彼佛。釋迦牟尼。及衆菩薩。彼佛即告諸菩薩言。且待須臾。自當得見。此寶坊中。諸菩薩等。復白佛言。世尊。我等欲見魔王波旬。於彼世界。為何所作。爾時世尊。觀此彼界衆生心已。告海慧菩薩言。善男子。汝今當以此佛世界。示彼菩薩。爾時海慧菩薩。即於十指。放大光明。其光即過十二恒河沙等諸佛世界。遍照彼土。此間大衆。悉見彼土佛及菩薩。魔王波旬。處師子座。說大集經。時諸菩薩。即從座起。向彼如來。頭面敬禮。散種種華。而以供養。所散諸華。當彼佛上。變成華臺。彼諸菩薩。見是華臺。即白佛言。世尊。如是華臺。從何處來。佛言。善男子。安樂世界。諸菩薩衆。所散供養。諸菩薩言。世尊。云何。今我得見彼土安樂世界。佛言。善男子。汝等今當敬禮是光。至心念持。自當得見彼佛世界。時彼菩薩。如佛所言。敬禮光明。至心念持。即得見此安樂世界。見已。即起。禮釋迦牟尼佛。以諸香華。遍供養之。又見三千大千世界。淨水澄滿。猶如大海。彼所散華。至此世界。大寶坊中。當如未上。變

成寶蓋。時魔波旬。白彼佛言。世尊。我當云何。運彼世界。佛言。善男子。若欲運者。應當至心。念於海慧。時魔波旬。至心念於海慧菩薩。念已。即得運此世界。時舍利弗。見魔波旬。即作是言。波旬。汝得見彼佛世界不。波旬言。舍利弗。我已見之。及見彼土。清淨菩薩所住之處。舍利弗言。汝於彼土作魔業不。大德。我至彼土。至心勤求。無上菩提。何緣復得造作魔業。若有至心求菩提時。見魔業者。是人則得勤修精進。此界大衆。見魔波旬。還來至此。六萬衆生。十千魔衆。同共發阿耨多羅三藐三菩提心。作如是言。願我等輩。所受身形。如彼菩薩身形。無異。海慧菩薩言。世尊。為阿耨多羅三藐三菩提。多有惡敵。善哉。世尊。為護法故。建立神通。以神通力故。是經當得久住於世。佛言。善男子。我今所立善願神通。為諸衆生。種於善根。爾時世尊。告曰。天王。汝等當知。若我弟子。比丘。比丘尼。優婆塞。優婆夷。受持誦書。寫廣說。如是等經。汝等四王。當深護助。無為欲樂。而作放逸。吾今出世。為壞放逸。護正法故。而說呪曰。所謂三摩。一先介切。三摩。三摩。二沫。頌。彌。三。婆羅。跋。地。四。陀。彌。五。陀。那。跋。地。六。跋。彌。陀。那。跋。地。七。阿。婆。跋。提。八。阿。摩。跋。九。毘。摩。跋。十。閻。毘。跋。十一。迦。摩。跋。十二。迦。摩。那。十三。阿。梨。十四。阿。摩。跋。十五。阿。梨。跋。十六。涅。伽。旦。尼。十七。阿。跋。地。十八。沫。提。十九。摩。叶。沫。

提二十摩羅夷提二十一毘首提二十二毘首提跋地二十三尼薩餘二
十四莫罕泥二十五善男子。是名四天王呪。若有法師受持是經。當誦是
呪。誦已修慈。緣念十方。至心念於四天王等。爾時四王。當示其夢。或自往
護。時四天王。白佛言。世尊。我等四王。聞是呪已。即與眷屬。至法師所。擁護
侍衛。若是法師。所須資生。我當方便。令其得之。遠離痛苦。身受安樂。爾時
世尊。告海慧菩薩。善男子。汝今至心。聽帝釋呪。所謂閻耶一閻耶末地二
阿跋地三毘跋地四摩拘餘五斯陀跋地六輸泥七墮帝羯餘八禮提曇
摩尼九多迦餘十又耶又耶目佉十一阿跋蒂那十二涅伽蒂那十三莎
地十四莎地散提十五末憍尸迦。阿修羅壞。諸天則勝。諸天勝故。佛法增
長。憍尸迦。欲受安樂。當護正法。善男子。是名釋呪。善男子。若有法師。欲說
法時。當先洗浴。令身淨潔。持妙香華。正東而禮。一心憶念。十方諸佛。慈心
普及。一切衆生。然後乃昇師于法座。誦如是呪。而作是言。憍尸迦。四天
王來。為諸大衆。除却障礙。消除煩惱。爾時帝釋。及四天王。念法師故。即便
共來。是故大衆。樂聞說法。善男子。汝今復聽。十方諸魔。及眷屬呪。所謂奢
咩一奢摩跋地二奢摩窟喘三阿浮餘四摩羅款地五骨岷餘六婆羅鉢
七迦由犁八地祁跋地九阿盧迦尼十比舍茶尼十一尼末地十二阿跋

水藥大典卷之三十五百七十七

十一

持十三區區餘十四伽羅薩尼十五憂目企十六奢蜜地十七波羅目企
十八繫禮那涅伽地十九奢摩地二十如是呪者。力能繫縛一切論師。
一切魔衆。是名佛印。不可破壞。魔眷屬。善男子。若有法師。受持誦誦如
是等呪。昇師于座。專念諸佛。慈及衆生。自於己身。生醫師想。於所說法。生
良樂想。於聽法者。生疾苦想。於如來所。生善友想。於正法中。生常恒想。若
能如是。說正法時。其處四邊。各一由旬。魔不能到。時魔波旬。白佛言。世尊。
若佛弟子。有能誦誦如是神呪。其身清淨。我當擁護。不作魔業。我以海慧
神通力故。捨於魔業。隨有國土。城邑村落。說是法處。我當化身。親往聽受。
佛言。善哉善哉。波旬。汝若能得如是心者。則壞魔業。亦當獲得如是等法。
善男子。復當至心。聽梵天呪。所謂迷多伽餘一迦樓那伽餘二無經多伽
餘三憂比又伽餘四佛陀伽餘五曇摩伽餘六僧伽伽餘七蘇獨多毘聞
耶八摩訶毘禮尼九毘獸提目企十尼波餘陀耶十一烏闍跋地十二烏
闍嚴彌十三捺檀尼十四曇摩波地地跋尼十五薩遮地曼波跋地十六
毘獸地十七莎折多憂波舍彌十八烏盧迦耶梵摩十九毘盧迦耶梵摩
二十若欲具足受持如是梵天呪者。當行梵行。清淨持戒。誦是呪。請召
梵天。梵天汝來。擁護如是。大衆。令其至心。樂聽正法。念於三寶。轉正法輪。

永樂大典

卷二二五七七

護持法城。若有法師。能調諸根。至心淨護身口意等。勤修戒慧。精進多聞。發菩提心。修四無量。昇於法座。誦如是咒。誦是咒已。梵天王等。與諸眷屬。悉來集會。是講法所。爾時梵王。白佛言。世尊。若有法師。誦誦是咒。我在初禪。聞是咒已。當捨定樂。而往其所。當視八法。何等為八。一者施念。持所聞故。二者施慧。思惟深法故。三者施解。分別深義故。四者施樂。說無礙。為壞疑心故。五者施辭。無礙。為解一切眾生語故。六者施無所畏。為眾無勝故。七者施法光明。為不謬說故。八者施其不謬授記。世尊。我等亦能廣宣是法。善男子。我涅槃後。如是等天。當護正法。海慧菩薩言。世尊。如來正覺涅槃之後。若有信者。應以此法付囑其人。今得久住。今時世尊。眉間白毫。放光明。遍照三千大千世界。如來化身充滿其中。三十二相。八十種好。具足莊嚴。數如三千大千世界。一切卉木。莖節枝葉。是諸化佛。同作是言。十方諸佛。釋迦如來。同願正法久住於世。何以故。雖有一切惡魔眷屬。不能破壞如是等法。大地可壞。大海可燒。須彌山王可碎。如塵。眾生諸心可合。是一。虛空可盡。四大可轉。諸佛誓願。不可變易。今時世尊。即告阿難。汝當受持。如是等咒。誦讀廣說。海慧菩薩言。世尊。今此會中。多有無量諸大菩薩。如來何緣。願命阿難。令受持之。時諸大眾。咸有疑心。海慧阿難。誰念心

永樂大典卷二二五七七

七

多。今時世尊。如來會疑。告太迦葉。三千大千世界眾生。數為多不。甚多世尊。迦葉。假使如是無量眾生。悉得人身。常聞如來。如來所說不可窮盡。無有障礙。善男子。如天降雨。無有障礙。一切眾流。歸集大海。而是大海。無增無減。海慧菩薩。所可受持十方佛法。亦復如是。迦葉。假使三千大千世界。所有眾生。具足總持。如阿難等。欲比海慧所受持法。百分千分。百千萬分。不及其一。說是語時。百千眾生。發阿耨多羅三藐三菩提心。以妙華香。貢上供養。海慧菩薩。今時蓮華菩薩。白佛言。世尊。若有人能信順受持。誦讀書寫。解說其義。供養恭敬。如是經者。得幾所福。今時世尊。即說偈言。若滿三千大千界。七寶奉觀十方佛。不如信順是經典。受持誦讀福多。彼四法所成諸功德。佛說無量無邊數。發菩提心常法視。如法而住。修習慈。佛說四法無邊量。智者聞已不怖畏。虛空之性。眾生界。如來正智菩提心。說如是等法。實聚時。十方所來諸菩薩等。以妙香華。種種妓樂。供養於佛。尊重讚歎。作如是言。世尊。若有人能受持誦讀。書寫解說。如是等經。所得功德。不可稱量。十方諸佛。說不能盡。何以故。世尊。眾生若聞如是等經。無有不發阿耨多羅三藐三菩提心者。是故此經名大寶聚。今時一切大眾。人天。一切聲聞。及阿羅漢。迦樓羅。乾闥婆等。及世間人。聞經歡喜。信受奉行。

永樂大典卷之二萬二千五百七十七

永樂大典卷之二萬二千五百七十七

七